

D E D I C A T I O.

Feigenbaum gebunden wird/ so wird er gut Freundt/
vnd dermassen gezähmet/das man mit ihm handtieren
kan/wie man wil. Vnd wenn man ihme Roscnöl in
in die Nasenlöcher streicht/ oder schmichret/so leuffet er
in einem Ringe/ oder Kreise herum/ bis daß er nieder
fellet/ wie Zoroaster sagt.

Ein Beer/wenn er vngesehr die Frucht/oder öpf-
fel von mandragora gefressen/ oder nur gekostet hat/
vnd dannt es nicht mit ihme vbel außreissen/ vnd den
todt daran fressen möge/ so suchet er Ameyssen/ frisset
dieselbe/ vnd errettet sich also davon/ vnd wird von der
Gifft erledigt.

Ein wildt Schwein ist so wütig/ vnd schädlich/
das es auch die wütende Art nach seinem Tode an sich
behelt/denn/wie Xenophon schreibt/ so sollen die Zeene
eines wilden Schweines/ so newlich getödtet ist/ so hi-
zig sein/das sie Haar/ vnd Bürsten verbrennen / so ne-
ben sie geleget werden.

Was das grausame Grabthier Hiena, vnd der
Hundstopff Cynocephalus, für wunderbarliche Eigen-
schaften haben/ wird drunden in diesem Buche nach
der länge beschriehen.

Ein Bieber/ wenn er gejagt wird/vnd sibet/ das
er nicht davon kommen kan/ so beist er ihme selber seine
Geilen auß/ vnd wirffet sie von sich/ denn er weiß/das
man ihme von derselben wegen nachstehet.